

Limburgs Museum ööpent Oet 't Hert: nuje installatie leut bezoekers de Limburgse taal belaeve

Marlou Absil verrich officiële ööpening; bezoekers loestere, óntdekke én sjpraeke häör eige dialek

't Limburgs Museum haet vriedaagmiddaag 10 juli Oet 't Hert geäöpend, 'n gratis toegankelike installatie euver de Limburgse taal in al häör dialekte. Mit 't nuje initiatief wilt 't museum laote zien det 't Limburgs vööl meer is dan 'n verzameling wäörd: 't is 'n taal die verbónje is mit herinneringe, emoties en identiteit.



De officiële ööpening waerde verricht door Marlou Absil, veurzitter van 't Staatecomité Limburgse taal van de Provinciale Sjtate. Same mit directeur Bert Mennings goof zie 't sjartsein veur de installatie, die gratis te bezeuke is in de foyer van 't Limburgs Museum.

'n Taal die se laefs

"Ómdet v'r bie de Provincie Limburg weite wie belangrijk dien modertaal is, zeen v'r heel blie mit dit initiatief van 't Limburgs Museum. Op dees meneer kinne nog meer

miense, noe en in de toekóms, häör hert laote sjpraeke en blief 't Limburgs klinke," zaet Marlou Absil, veurzitter Staotecomité Limburgse taal van de Provinciale Sjtate.

Oet 't Hert leut zeen det 't Limburgs juus klink op momente die doonbie kómme: aan de keuketaofel, in de kroeg, bie leefde, verdreet en alles daotössenin. Op de momente as 't hert sprik.

Perseunlike verhaole

In de installatie vertelle Limburgers häör perseunlike verhaol in häör eige dialek. Bezoekers kinne loestere nao radiofragmente oet versjillende dialekgebiede en häör kinnis teste bie 't Sjoelbord van de Limburgse Taal of zelf een boodsjap achterlaote in häör eige dialek. *"Taal is emotie. Vääöl Limburgers drökke häör geveules 't leefste oet in häör eige dialek. Mit Oet 't Hert laote v'r zeen det 't Limburgs laef en neudige v'r ederein oet óm dao zelf óngerdeil van te zeen,"* zaet Bert Mennings, directeur van 't Limburgs Museum.

Laevend erfgoed

Mit Oet 't Hert óngersjtrep 't Limburgs Museum 't belang van 't Limburgs as laevend cultureel erfgoed mit 'n plek wo de taal neet allein waert bewaard, maar ouch waert gebroek en doorgegeave. Mit Oet 't Hert laote v'r zeen det 't Limburgs laef en neudige v'r ederein oet óm dao zelf óngerdeil van te zeen."

Oet 't Hert is vanaaf **10 juli 2026** gratis te bezeuke in de foyer van 't Limburgs Museum.

Noot veur de redactie

Naem veur meer informatie kontak op mit Koen Smolders via k.smolders@limburgsmuseum.nl of 077 352 21 12. Veur beeldmateriaal inclusief credits kint g'r de [perskit](#) raadplege.